

各國冬節會做啥物?

日本



日本人會佇冬節食金瓜恰紅豆糜，個閣會共柚仔園入去洗浴槽內底，浸柚仔浴，按呢會當趕走歹運，好運旺旺來。

英國



佇英國，若到冬節這工，就會有足濟人來到巨石陣，迎接上晏的日出。日頭勻勻仔對海面上出現，對巨石陣看過去，袂輸日頭是對石陣當中迴過，就按呢逐年攏會吸引真濟人來遮。

加拿大



溫哥華佇冬節這工，為著欲慶祝上長的暗暝欲過去矣，逐家會擲鼓仔燈佇街仔路遊行，而且公園內閣有鼓仔燈迷宮，好看閣趣味。

韓國



韓國人認為紅色會當辟邪，所以佇冬節的時會食紅豆糜，嘛代表家己大一歲矣。個的紅豆糜恰日本的無全，紅豆煮熟了後會用果汁機絞做一碗無粒的紅豆糜，而且閣會加圓仔。這馬的冬節，只要有食著紅豆的食物就會當，親像紅豆麩。有的所在會共寫「蛇」字的紙顛倒反貼佇牆仔抑是柱仔頂面，按呢魔神仔就無法度入去厝內矣。

伊朗



有的伊朗人認為冬節的暗暝上長，是歹吉兆的日子。所以佇暗時，為著避免魔神仔作怪，個會規暝無睏，而且規家團圓做伙讀詩、食紅肉的西瓜恰石榴，因為紅色代表日頭光，日頭若出來，一切就平安順序。

❄️ 冬節 這工恁兜會按怎過? ❄️

➊ 請佇下面的碗內底畫出恁兜冬節會出現的物件：



➋ 請寫出恁兜會佇冬節做啥物活動抑是食啥物好食物？
